



ביהוה

JACOBUS KOCKERT LUBECENSIS LECTORI BENIVOLO

S. P. D.

ET si nonnulli Philosophorum gloriam appetendam esse negaverunt, omnium tamen recte judicantium & acetum, quod ajunt, in pectore habentium testimonio comprobata est sententia, nullum amplius, nullum honestius virtutis præmium esse, quam gloriam. Meritò igitur sapientissimus mortaliū non Apollinis sed DEI ipsius oraculo judicatus Rex Salomon Proverb. 22. v. 1. ait : בבר שם מעשר רב : מכבש ומטיב חן טוב : hoc est , Exoptatior est gloria divitijs amplissimis, & gratia melior argento & auro. Neq; enim existimandum est, Herculem, Julium Cæsarem aliosq; heroas tot ac tantas dimicationes certissimo interencionis periculo subituros unquam fuisse , si, quibus vita illorum terminis circumscripta fuit , iisdem & laudem & famam suam contineri putassent. Inter omnes autem omnium ætatum ac nationum fortissimos viros , quorum egregia facinora Poëtarum vel historicorum monumentis celebrantur , nul-